



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA TLATSETSO YA BOBEDI (SAL)

PAMPIRI YA 2 (P2)

PUDUNGWANA 2013

MATSHWAO: 80

NAKO: dihora tse 2

Pampiri ena e na le maqephe a 7.

DITAELO LE DIKELETSO HO MOHLAHLOBUWA

1. Pampiri ena e arotswe dikarolo tse THARO, e leng:

KAROLO YA A: Moqoqo (40)
KAROLO YA B: Ditema tsa kgokahano tse telele (20)
KAROLO YA C: Ditema tsa kgokahano tse kgutshwane (20)
2. Araba potso e le NNGWE karolong e NNGWE le e NNGWE.
3. Araba dipotso tsohle ka Sesotho.
4. Qala karolo e NNGWE le e NNGWE leqepheng le LETJHA mme o sehe mola qetellong ya karolo ka nngwe.
5. Karolong e nngwe le e nngwe etsa moralo (ka ho iketsetsa mmapa wa monahano, daekramo, tjhate e bontshang tatelano ya mehopolo kapa ho etsa feela lenane la dintlha tseo o tla ngola ka tsona) boitokisetsong ba hao ba ho hlahisa tema e hlokehang. Boela o lekole botjha mosebetsi wa hao ka ho o bala hape, ho o nahanisisa, ho o lokisa diphoso, le ho nehelana ka sehlahiswa se phethetsweng. Sebedisa pensele ho lokisa diphoso. O tla abelwa matshwao bakeng sa ho ela mehato ena hloko.
6. Meralo yohle e totobatswe hore ke meralo, pele ho hlahiswa tema e ngolwang.
7. O eletswa ho sebedisa nako ya hao tjena:

KAROLO YA A: metsotso e 60
KAROLO YA B: metsotso e 30
KAROLO YA C: metsotso e 30
8. Nomora dikarabo tsa hao feela jwalo ka ha dipotso di nomorilwe pampiring ya dipotso.

ELA HLOKO: Ngola nomoro le sehlooho sa moqoqo oo o o kgethileng.
9. Ngola sehlooho se loketseng potso eo o e kgethileng, kapa sehlooho seo o iqapetseng sona meqoqong eo ho sa nehelanwang ka dihlooho ho yona.

ELA HLOKO: Sehlooho se se ke sa balellwa ha ho balwa palo ya mantswe.
10. Ngola ka mongolo o makgethe mme o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho se le SENG, mme o ngole moqoqo wa bolelele ba mantswe a 200 ho isa ho a 250 ka sona. Hopola ho etsa moralo wa moqoqo wa hao, le ho boela o o bala hape ho lokisa diphoso.

- 1.1 O amohetswe sepetlele ka baka la kotsi ya koloi eo wena le metswalle ya hao le neng le e utswitse. Ngola moqoqo mme o phete se ileng sa etsahala. Sehlooho sa moqoqo e be:

Ka batla ke shwa ntle le mabaka.

[40]

- 1.2 O badile pale e nngwe e monate haholo. Ngola moqoqo o re phetele ditaba tsa pale eo. Sehlooho sa moqoqo e be:

Ya tla ya ba monate ena pale!

[40]

- 1.3 Sefefo se matla se dihile matlo, mme se bakile tshenyo e kgolo motseng wa heno. Ngola moqoqo mme o hlalose tshenyo eo. Sehlooho sa moqoqo e be:

E jwalo tshenyo ke ne ke qala ho e bona!

[40]

- 1.4 Sekolo sa heno se ne se entse mokete wa tumediso ya baithuti ba materiki. Ngola moqoqo mme o hlalose tsa mokete oo. Sehlooho sa moqoqo e be:

O monate mokete!

[40]

- 1.5 Kgetha setshwantsho se le SENG ho tse na tse latelang, ebe o ngola moqoko o itshetlehileng mohopolong o hlahiswang ke sona maikutlong a hao. Neha moqoko wa hao sehlooho.

1.5.1



[Setshwantsho sena se qotsitswe makasineng wa *Bona* wa Tshitwe 2012]

[40]

1.5.2



[Setshwantsho sena se qotsitswe makasineng wa *Move* wa Pherekong 2012]

[40]

1.5.3



[Setshwantsho sena se qotsitswe makasineng wa *Bona* wa Hlakola 2012]

[40]

1.5.4



[Setshwantsho sena se qotsitswe makasineng wa *Drum* wa Pherekong 2013]

[40]

MATSHWAO OHLE A KAROLO YA A:

40

KAROLO YA B: DITEMA TSA KGOKAHANO TSE TELELE**POTSO YA 2**

Kgetha mme o ngole tema e le NNGWE ya bolelele ba mantswe a 80 ho isa ho a 100. Ngola feela nomoro ya tema eo o e kgethileng. Hopola ho etsa moralo wa tema ya hao, le ho boela o e bala hape ho lokisa diphoso.

- 2.1 O moithuti wa materiki selemong sena mme o ikemiseditse ho sebetsa ka thata hore o pase hantle ha selemo se fela. Ngolla motswalle wa hao lengolo o mo bolelle tseo o ikemiseditseng ho di etsa ho fihlella katleho ya hao. [20]
- 2.2 Ho ne ho na le mokete wa kamohelo ya baithuti ba batjha sekolong sa heno. Ho etsahetse dintho tse ngata tsatsing leo. Jwalo ka setho sa Lekgotlakemedi la Baithuti (RCL), ngolla mosuwehlooho raporoto/pehelo/tlaleho e hlalosang tsa tsatsi leo. [20]
- 2.3 Ngola puisano e dipakeng tsa batjha ba babedi ba buisanang ka tseo ba ikemiseditseng ho di etsa ha ba qeta dithuto tsa materiki. [20]
- 2.4 Ngolla mohlophisi wa makasine wa '*Bona*' lengolo moo o eletsang batjha mabapi le tsela ya ho itshwara nakong ya phomolo ya matsatsi a Keresemese. [20]

MATSHWAO OHLE A KAROLO YA B: 20

KAROLO YA C: DITEMA TSA KGOKAHANO TSE KGUTSHWANE**POTSO YA 3**

Kgetha mme o ngole tema e le NNGWE ya bolelele ba mantswe a 60 ho isa ho a 80. Ngola feela nomoro ya tema eo o e kgethileng. Hopola ho etsa moralo wa tema ya hao le ho boela o e bala hape ho lokisa diphoso.

- | | | |
|-----|--|-------------|
| 3.1 | Rakgadi wa hao o sa tswa bula sebaka se setjha moo bana ba banyenyane ba salang teng. Ngola papatso eo o tsebisang setjhaba ka sebaka sena. | [20] |
| 3.2 | O fumane thuso ya ditjhelete, mme o ile yunibesithing ho ya ithuta tsa Tsamaiso ya Kgwebo (Business Management). Ngolla ngwaneno ya setseng lapeng posekarete o mo bolelle tse etsahalang yunibesithing moo. | [20] |
| 3.3 | Batswadi ba hao ba o etsetsa mokete hobane o pasitse hantle dithutong tsa hao. Ngolla titjhere ya hao karete ya memo. | [20] |

MATSHWAO OHLE A KAROLO YA C:	20
MATSHWAO OHLE A PAMPIRI ENA:	80